

„La piedies dla natura y la scatules dal vin“

Nstadi iel stat la giaurida dla mostra de Gregor Prugger a Terlan. L'artista de Urtijëi à metù ora si ultimi léures, danter l'auter la lingia „Agetis plastics di vin“ cun scatules de lèn de bozes dal vin



Gregor Prugger.

Ert - „Pra la scatules dal vin vèniel ora l'afinità dl artista cun l bon vin, ma nce si umor plu sot. N se nmmagine de giapè na tel scatula dal vin, n la gèura se aspian n bon vin da lascé sbriscé ju per la grasala. Ne ue nia di che pra na tela ne fòssen nia cuntènc, bonamènter fòssen mo plu cuntènc, pra na tel scincunda. Ajache ala fin dla finedes ie la uftera de de bon vins granda y trueps à bele plu che assé bozes te ciulé. Ma n Prugger uriginel tla scatula dal vin, chël ie bèn mpo zeche de rer, sce n tèn cont de coche sarà la reazion canche n la gèura, n mument speziel nce de juech de perzezion sensuela y sensitiva.“ Nscila à dit Marlies Lüdtke tla presentazion dla mostra de Gregor Prugger a Terlan ai 19 de utober; la mostra ie mo da udèl nchin ai 10 de dezèmber.

Sèures te scatules dal vin

La mostra ie unida a s'l dé do che na cunlaudèura dla Cassa

Raiffeisen de Terlan, Barbara Unterholzner, che ie la respunsabla dla pert culturale dla banca, ova udù la mostra che Gregor à fat de utober a Persenon, cun scultures tridimensciunels dal titul „L bosch te mè“. N valgun de chisc léures à Prugger nce metù ora a Terlan, dlongia la scatules dal vin. Gregor léura bele da n ann incà sun chësta scatules de lèn de bozes dal vin; te chësta scatules àl reprentà te na maniera astrata la sèures di vins, scoiche l mujel di vin, l element minirel, sèures de versura d'uni sort, da tiera, l'eligenza, da ega y nsci inant. L pensier de Prugger ie che l udova la scatules uetes che ti fajova lecurde l vin y si sèur. „Y pona me sàl pa bèn nce bon, l vin, a la di dutal“ s'larèsc Prugger si liam cun l vin, esprescion dla tiera, dl'èur di paures y n generel de na gran cultura che ie dovia. Y Terlan ie coche dit propi un di luesc plu cunesciui per la gran tradizion dal vin.

La parola al'autoriteies

N ucajon dla vernissage à l president dla Cassa Raiffeisen de Terlan Baron Carl Eyrly y l ambolt de Terlan Klaus Runer abù paroles de salut y de lauda. Prugger à rengrazià i urganisadèures y i prejng, st'arian coche la ie unida a s'l dé, de coche l se dà ju bele da n pez incà cun roba che stuj ite, cun referimènt nce a Gherdeïna y si crèps; chësc pensier à utù slargé ora ala tematica di vins y la scatules.

Prejentazion de Lüdtke

Marlies Lüdtke à prejentà l artista y si ouwre: „Gregor Prugger ie chersciù su y viv te Gherdeïna.




La scatules dal vin cun si sèures.

Te si rujeneda dla formes ti val do ala fusties dla natura. Tla mostra a Terlan vèniel mustà n valguni de si léures fai ultimamènter; cun un n denominadèur, chël dla perzezion cun duc i elemènc sensitifs. Cun Prugger che ie bon de dé da ntènder nce muviment tla scultures, che ie per definitionem statches. L ie l'èur a puntin dla rames, che dà la mprescion dl regorer y dl fin. Sce son boni de jì ite, de se lascé pié da si léures, pona sons boni de muover nosta fantajia, tant che aspiton de unì tuche,

mentalmenter y fisicamènter. L ie l muviment dla plueia, de n aghel, dla gotes sun l must vèrt tl bosch, y nce dl vin, che sbriscia ju n tede sun la lènga y pona ju per l col, cun duta si sèures, da versura, da fum, da tiera. Chësc muviment tot Prugger ca per musté su si raport cun la natura, cun i tèmps dl di y dl ann; i tèmps che ie pu for n muviment. Poverter sons nscila boni de ti cialé al zirtl che se muev pu for darter persona y natura. Vità y mort, devenì y finé via. Tl léures de Prugger iel da una na pert na tenscion, dal'otra nce na armonia. La tenscion vèn ora dal element sensuel-sensitif, l te vèn da tuché i soc dl lèn, te damandan: regurova pa tlo iusta ju na bona gota, se àl pa muet zeche? L'armonia vèn ora dal element lèn, per chël che te sèntes n'atracion, ie pu sibe la persona che l lèn pertes de n medemo

David Lardschneider



„Chalet“ a Urtijëi - Digon


- Post chiet sun èur dl bosch cun ludieda sun Urtijëi
- Truepa lereh te na stua bela linéusa, cèsadafuech, trèi majons, cater banies, local hobby, terrassa, verzon per fé damat
- Sparané energie te na cèsa tlima „A“ anjineda ite te n bel stil cun lèn y sas naturel
- Garajes cun 3 jueges da parché
- Costuzion nueva, sèurandata d'autom dl 2011
- Spersa de venduda 278 m² - spersa netto 216 m²
- Verzon de za. 600 m²

NTURMAZIONI:

Dr. Kompatscher-Agostini-Immobilien
Bulsan, Silbergasse 24
Tel. 0471 97 55 34 - Fax 0471 98 14 07
agostini@rea.bz.it

DR. KOMPATSCHER
AGOSTINI

IMMOBILIEN 1998 IMMOBILI



A Terlan fòvel nce metù ora n valgun pec dal titul „L bosch te mè“.